


KUHAKA VAKAKUZATA MULIUKA

 Kaha, chize chili, chize chatete chinapu kuswanyisa vakakuzata muliuka muliuka. Kaha liuka lyetu hano lili lya kulimanyina. Kalyeshi na kala chikungulwilo mokomoko kalachuma navatumako vakakuzata muliuka, lyeji kusakula vavene vakakuzata muliuka. Lyeji kusakula kafunga kavo, lyeji kusakula vakufwelela muliuka lyovo vaze veji kwizanga nakwingila na kulovoka muliuka. Kakweshi mthuumwe mwahanjika hali kala chumako, linapu liuka. Kaha eli liuka shina vaze veji kwizanga na kukafwa eli liuka na kupwa chavo, na chamulikumi na mawana akuzundula avo, vaze vakiko lwolalwosena vali na lusesa lwakuhanjika mukuhaka vyakufwana ngana.

² Kaha Ngwatondo kusakwilila lizavu lya vakakuzata muliuka, kaha Nanguhanjika echi kufuma hano ha liuka lyosena. Kachi kala vandumbwami ava vali hano, uze apwilenga Ndumbu walunga Cox, Ndumbu walunga Fleeman, kaha Ndumbu walunga Higginbotham na Ndumbu walunga Deitzman, vakiko vanatuzachila mulimo wamwaza, kumuhana Mwata, muno mumbalaka.

³ Kaha kala navyangocho, kutesekesa na jishimbi jaliuka, hamwaka hamwaka, vakakuzata muliuka na vakufwelela muliuka vatela hanovene kukumisa lwolalwa lwovo. Kaha kachi vakiko vanatondo kukinduluka, chosena chakwoloka. Kachi vakiko vanatondo kukinduluka kunyima, jino vakiko kaveshi kuhaka vamwe muvihela vyavo, nge eli lizavu lyatela kulitwamina.

⁴ Kaha ufuku ukwavo Ngwasanyikile lize lizavu lya vakakufwelela muliuka, lize kuli lizavu lyalihya lya vakakufwelela muliuka. Ngwatalile hali Ndumbu walunga Luther McDowell hano ufukuuno, etu tunawahilila kumumona ikiye, uze apwile wakufwelela mulizavu. Ngwayile nakushikumaka mulungu ou nakuwana kaha kutala nakwingila nakupwa na chifwanyisa chakutunga, lize vatela kwimika kuliuka, nawa. Nge wakufwelela muliuka jino napu Ndumbu walunga William Morgan, Ndumbu walunga Mike Egan, kaha Ndumbu walunga Banks Wood, na Ndumbu walunga Roy Roberson. Kaha vakiko vosena vali ino mbongi, kuvangila Ndumbu walunga Roberson uze ayoya mukachi ka jimbongi jivali. Ou Mwata vanamumono kupwa wakutela kuli vathu, kaha vakiko kupwa muthu wamulemu, kaha vakiko kupwa jino kutambula mulimo nge vakufwelela muliuka.

⁵ Kaha jino shimbu echi kuliwana chapwile nakuya, kaha vangulwekanga kuli muhato wa kafunga nge etu, tuli

nakusakula lizavu lya vakakuzta muliuka, nge ava vanazate lwola lwavo kaha lwakumu kaha—kaha kukana, jino kwapwile kusakula vamwe vakakuzata muliuka. Jino, eli liuka. . . Mujila echi chalingika, chili, lizavu linahase kwinyika vakakuzata muliuka, muthu vaze vanalinungu na kaha kuwana kupwa wamulemu kaha kupwa kaha muthu.

⁶ Ufwishi ya mukakuzata muliuka yapwa ufwishi yayinene, kaha kavumbi kakanene kuli Mwata kupwa mukakuzata muliuka muliuka. Kaha shikaho, mukuliwana ufuku ukwavo, lunga umwe vamusanyikile kuli yami. Kaha omwo kuliwana na kafunga, kukavangiza. . . ou Chitanu chamakumishilo, chinapu chakwitavila nge vaze vanapu vavalemu kaha muthu wakwoloka.

⁷ Umwe mukweze uze vakiko vawanyine, vapwile vene vakutela (keshi mwomwo keshi kapwile muyachi wa muthu), umwe uze vasakwile kuli muthuumwe wamulemu wamuli vaze vamulizavu lya vakufwelela. Oloze nge kafunga kaha Ngwejile nakupwa hamwe, kaha Ngwahulile myaka yenyi yauze mukweze walunga, ikiye apwilenga wamumyaka mumatwende. Wamulemu, kupwa kaha, kaha muthu wamwenemwene, oloze kuwana nge ikiye apwile muthu wakulimanyina. Eyi Mbimbiliya yeji kutondanga mukakuzata muliuka kupwa muthu wakumbata. Ikiye atela kupwa lunga lya pwevo umwe.

⁸ Kaha jino lunga mukwavo uze apwilenga lunga wakalemesa, wakutela vene hamulimo kaha kachi vene napu wakwononoka, ndumbu walunga amutongolanga. Jino hanyima yakutalisamo kanawa, uze ndumbu walunga napu wakwiza kalinwaha muno mu Lufwelelo, pwevo lyaenyi kafwelela muli Echiko. Jino chize chamulingisa kuhona kutela kupwa muufwishi. Mwomwo ikiye atela kupwa chisaka chenye chosena chakwononoka, vakiko vatela nawa kupwa mu Lufwelelo mwomwo nachineha chimbalanganyi.

⁹ Kaha etu tuli nakutungu jino, kaha etu twatondo chihela eli liuka. Kaha nge mukulwane wakutala eli liuka, Ngwatela kumona nge ngana tunalame, Visoneka, kalachuma muzevene mu Lizu.

¹⁰ Kaha shikaho, jino, chinapu chakuwana kupwa chakutela na lizavu na kafunga, na mukulwane waliuka, kusakula muli lino lizavu lya vathu hano malunga vamwe etu twashinganuyeka kupwa muthu wakwoloka. Etu tunahase kuvaneha vakiko. Kaha echi chili, jino, vakiko kwinyika kuliuka, hakesakula chavo vavene. Kaha jino vaze malunga navakaya nakuzachila, kachi vakiko navevwa nge vakiko navetavila ou ufwishi. Jino vakiko navaya nakwiza ha tando yayindende, kumona kachi vakiko pamo Kalunga kuvasanyika vakiko. Kaha kachi kulutwe, kachi vakiko navwewa nge vakiko kavatelako, jino, vakiko mumilungu

ili nakwiza vatela kusuluka muufwishi, kaha muthu weka vanahase kumunyika muchihela kana.

¹¹ Chipwe ngocho, hakuputuka cha kuhizumuka nge (kachi Kalunga netava) Ngwatondo kukwachilila hano muli yino mbalaka washi washi nge Nangupwa na kunoka, jino Ngwa—jino Ngwa...etu natuya nakutongola vakakuzata muliuka ha kuvanangika mavoko, vakakuzata muliuka kaha vakakulama nyambaulu ya liuka. Oloze chatete vakiko vatela kwinyika na—na kumona omu vakiko vanazange echi na omu chikungulwilo chinazange. Jino kachi echi chili—jino kachi chili vyosena vyakwoloka hali jisali josena, jino etu hali vaze malunga wakutongola vakakuzata muliuka, kupwa kaha Wakufwelela muliuka kuvasakula mwomumwe.

¹² Echi chinapu kulimanyina na lushimbi lwa liuka, ha Lizu lya Kalunga. Shikangaho, chize, vakiko kavahashile kuhanjika chize “Ngwashinganyeka ou lunga mwaya nakupwa muthu wakwoloka,” chize kacheshi ngochoko, “Ndumbu walunga Neville kushinganyeka ou lunga mwaya nakupwa muthu wakwoloka,” mokomoko “lizavu lya vakakufwelela kushinganyeka uze muthu kupwa muthu wambwende.” Echi chatela kupwa ha liuka! Nanumwe nahase kulinga kalachuma mukachi kenyi hano. Echi chili kuvotela eli liuka. Eli chinapu kulimanyina cha liuka.

¹³ Jize jishimbi jakulipangila vajenyekele muze mu livaji lya 1937. Etu tunande jize, kaha nvajisukika haze hambango linwaha, milimo yavaze vakufwelela muliuka, vakakuzata muliuka, vakakulama nyambaulu, na vyangocho, pashita, namuhyato wenyi, na vyangocho.

¹⁴ Ha likoji lya Kalunga, echi vanachihanjika kuli yami, kaha wani handulendi peseti yakuliwanyina kuhita mulizavu lya eli liuka, nge vakiko kuwana nge Ndumbu walunga Hollin Hickerson kupwa wakwoloka, lunga wamulemu, kaha mumukana wa chihela kutambula na—kulema chachinene hakupwa mukakuzata muliuka muli yino mbalaka.

¹⁵ Nawa, etu tunawane, kaha ha kusakula cha lizavu, ou Ndumbu walunga Colliuns nawa vanamuwane kupwa wamulemu kaha lunga wakwoloka. Hakupwa mukakuzata, lyavene, shikangaho etu natuya nakumusanyika ikiye kwiza na kupwa nge—nge mukakuzata muliuka; kaha keshi mukakuzata muliuka kahako, oloze nawa muhato kuli Ndumbu walunga Neville, kaha pamo kukutanga cha shikola ya Chalumingo, mokomoko kumbata chihela cha Ndumbu walunga Neville, mokomoko kalamwosena kupwa wakusanyika hali ikiye kupwa muhato wa Ndumbu walunga Neville. Nge Ndumbu walunga Collins.

¹⁶ Kaha, nawa, eli liuka linamuwane, kupwa muuselewa, nge Ndumbu walunga Tony Zabel, kupwa wamulemu kaha lunga

wakwoloka, kaha ikiye nawane uselewa kumeso alizavu lya va kufwelela na mapashita, kumulomba ikiye kutambula ufwishi ya mukakuzata muliuka muli nyino mbalaka.

¹⁷ Kaha chilingocho, kaha kumuwana kupwa wamulemu mukachi kamalunga... (Keshi... keshi avakaha kupwa malunga vavalemuko, jino, oloze kupwa kaha vakusakula kuli lizavu.) Ndumbu walunga Taylor kufuma ku Henryville, mokomoko Memphis, Ngwafwelela echi kupwa, Memphis, Indiana. Ikiye napunga na etu lwola lumwe, kuzata nge mukakulama kuchikolo kaha navyosena ikiye alingilenga. Nge eli liuka linawane uselelwa nakuli ikiye, mokomoko lizavu na mapashita, nge ikiye pamo mwetavila eyi—eyi ufwishi yayinene kupwa nge mukakuzata muli yino mbalaka.

¹⁸ Kaha chili ngocho vanamulombo Ndumbu walunga Mike Egan tatawenu, Ndumbu walunga—Ndumbu walunga Bob Harned, vanamusakula ku lizavu na kuli mapashita, kwitavila ufwishi ya mukakulama nyambaulu ya yino mbalaka, ou unapu mulimo waulemu, kaha unatondeka chiyulo na kavumbi.

¹⁹ Mukulinga echi, Ngwashinganyeka, vandumbwami, nge kusanyika enu kufuma hano, nge nachiya nakupwa kavumbi kakanene kuli enu. Kaha keshi ngocho kahako, oloze chumachimwe chakulinga.

²⁰ Ha lwola luno Nanguya nakupwa na Ndumbu walunga Neville, namuhato hamwe, kutanga vya tondeka kupwa mukakuzata muliuka. Ndumbu walunga Neville, kachi enu namuya nakutanga kufuma mu Lizu lya Kalunga. [Ndumbu walunga Neville kutanga Chimoteu Wakulivanga 3:8-13—Muka.]

[Ngocho nawa navakakuzata muliuka nawa vapwenga nakalemesa, kanda vakapwa namalimi avaliko, kanda navakapwa vaka kunwa vinyo vyavivuluko, kanda vakapwa vakukuzuzukila nganyo ya makauliko;]

[Mangana alufwelelo akusweka vawalamenga navivezu vitoma.]

[Kahava vakavangile kuveseka; kaha kachi nge kaveshi nachuma chakuvahanyina mulongako, numbanyi vakazate milimo muliuka.]

[Ngocho nawa mapwevo, vapwenga nakalemesa, m kanda vakapwa vakakuvangilanga vakwavoko, vapwenga vakuunda mumeso undutu, vakakushishika munyuma vyosena.]

[Vakakuzata muliuka vapwenga muthu himuthu lunga lyapwevo umwe kaha, vayulenga kanawa vana vavo navaze vakujizuvo javo.]

[Mwomwo ava vanazate kanwa muliuka navakaliwanyina puho yamwaza, na kumika chikuma mulufwelelo elu luli muli Kulishitu Yesu.]

²¹ Amena. Ngunatondo lwola luno kumihgula hali ava vandumbwetu tunasanyika, kachi vakiko navatambuka nakwiza kulutwe katando kakandende. Kaha shimbu etu twanongama mitwe yetu chindende tulombe, Ngwatondo vakiko. . . Kaha liuka linatachikiza chumamuka echi, echi kusakula lizavu lya vakakuzata muliuka na wakulama nyambaulu.

²² Mwata Yesu, echi chili na kuunda, kushinganyeka cha ukalunga nge etu natwiza kuli Ove jino. Etu tuneza nakalemesa ku Lizu Lyove lya Kujila Chikuma, etu tuneza nakufwelela nge “Echa kala lizu lya muthu lipwenga lya kuhenga, oloze Kalunga kupwa muchano.” Kaha etu tuli vakusakwilila kuli Ove hali eli Liuka ou Yesu na alanda na Manyinga Eyi amwaza, kaha natuhane etu zuvo ya kulifukwilamo.

²³ Kaha nge kalama wa utanga waunene, ou Shipilitu Wajila natongola kupwa, etu kweseka jino kuneha kuli chino chikungulwilo chakalemesa, lizavu lya kwoloka lya muthu vase etu twafwelela kupwa wakuzala na Shipilitu na kupwa vakulizanga ha ufwishu. Nge omu lwola lumwe vachihanjikile kutwala kulizavu lya vakakuzata muliuka, “Yenu enu vavene nakutala mukachi kenu, malunga vapuho kaha vakuzala na Shipilitu Wajila, vase vanahase kuzata mumulimo kana, kutala hali vatuliwe na vanginga, kupangila mnali, kaha kutala ha chiyoyelo cha liuka.” Mumyaka yinahichi, etu twatangile kusoneka cha wamunene, wakuhwimina, mukakujila Paulu, uze ahakile nakuhanjika ha Visoneka vya kutondeka ha vihela kana.

²⁴ Kalunga, na valemesa ava malunga kana kupwa. Kaha jino echi chinapu kusakula, Mwata, nge liuka lya wakulimanyina, nge mujimba wa Mwata Yesu, nge vakiko veji kulinganga kusakula. Kaha. . . [Hatepu hapimbi—Muka]. . . kaha nachiya nakutetekela chihanda cha kutanga mujila yakulimanyina, muli chize kwoloka na Lijina lya Yesu.

²⁵ Jino namitwe yetu yakunongama, keshi mitwe yetu oloze michima yetu, kaha nge mamembala wa liuka, kaha kwiza hano kakavulu nakukafwa na chamulikumi na mawana akuzundula, chatela kupwa membala wa liuka, shimbu kafunga na Yami, ukawenyi, kutala, pashita, Ndumbu walunga Neville, kaha Ngwatalile hali chize, Nguli nakuhula lini liuka nge linawane Ndumbu walunga Taylor kupwa lunga wakwoloka kaha natelamo, ha kushinganyeka chakutamo, kupwa mukakuzata muliuka hali eli lizavu lya vathu? Enu namuchitavila ha kuzundula mavoko. [Ndumbu walunga Branham kuvandamina—Muka.] Vosena chakwoloka. Jino kachi kuli kulimbaka, kaha zundula livoko lyove. [Ndumbu walunga Branham kuvandamina.] Ngwamisakwilila.

26 Kuli vano mamembala valiuka hano vanawane . . . na vosena, kuwana Ndumbu walunga Hollin Hickerson kupwa kaha lunga wamulemu, kaha lunga uze nawane wakutela kumeso enu kupwa mukakuzata muliuka lya lino liuka? Enu yitavilenu ha kukatula livoko lya chilyo. [Ndumbu walunga Branham kuvandamina—Muka.] Kachi kuli chakulimbalaka, katula livoko lyove. [Ndumbu walunga Branham kuvandamina.]

27 Ngachilihi echi chikungulwilo hinawane Ndumbu walunga Collins kupwa mwomumwe, wakwoloka kaha lunga wakalemdeza, kaha wakutela ou mulimo wakupwa mukakuzata muliuka lya liuka? Munahase kukatula livoko. [Ndumbu walunga Branham kuvandamina—Muka.] Chosena chakwoloka. Chakulimbalaka, ove katula livoko. [Ndumbu walunga Branham kuvandamina.]

28 Kutala chikungulwilo chinawane Ndumbu walunga Tony Zabel kupwa lunga wamulemu kaha wsakutela eyi ufwishi, hakupwa mukakuzata hali ou utanga muli lino liuka? Munahase kuzundula livoko. [Ndumbu walunga Branham kuvandamina—Muka.] Chakulimbalaka, ove zundula livoko. [Ndumbu walunga Branham kuvandamina.]

29 Kutala chikungulwilo chinamono nge Ndumbu walunga Harned kupwa wakwoloka kaha lunga wakulonga, ou napunga naetu lwola lumwe, kupwa mukakulama nyambaulu, kalaliki wa nyambaulu ya liuka, kutala kumali na kufweta vyakutondeka? Kachi chili ngocho, katulenu livoko lya chilyo. [Ndumbu walunga Branham kuvandamina—Muka.] Kuliko chakumbalaka, katula livoko lyove lyachilyo. [Ndumbu walunga Branham kuvandamina.]

30 Ngunafwila kuhanjika kuli ava—ava vandumbwetu vanemana hano luno lwola, kumahanji akukulusu, nge eli liuka, na wani handulendi peseti (keshi yakulimbalakako), kuwana vyosena vyakutela kumeso a Kalunga hali eyi ufwishi nge Klaunga nakusanyika.

31 Jino, enu, hanjikenu, “Echa ava chatete vaveseke, kaha kachi vakiko vanafwila eyi ufwishi.” Mukachi ka milungu yayindende, Kalunga netavila, Nanguya nakukinduluka nakuhaka mavoko hali eli lizavu lya muthu, kuvalingisa kupwa vakutela vakufwe- . . . mokomoko vakakuzata muliuka, kaha vakakulama nyambaulu.

Echa tunongamenu mitwe yetu katando kakandende:

32 Mwata, etu twawahilila ufuku uno nge kuli vathu vachili nakuyoya hano hamavu vaze navakatambu mwakukukomoka muno mukaye; kupwa vakukomoka kalunga nge mabalaka, na kulama jishimbi ou ali hano, nahase kusakula malunga vatahu kumuhaka muchihela nge vatwamina javo, chakuzeneka numba vyoti yimwe yakulimbalaka. Etu twawahilila hali vakiko, kaha

etu tulinakwivwa nge Ove wapwile na yetu omu twapwilenga nakusakula, eli lizavu na mapashita jetu.

³³ Kalunga, kisula ou muthu. Kaha echa vakiko vazata muli ou ufwishi na michima yavo yosena, kutachikiza nge chinapu kulilanjila ulemu waunene Mwilu. Likumbi limwe omwo Mikanda ya Mwilu nayikasoka, echa Mukanda wamukakusoneka hakupwa na kwingila mu Mukanda waunene wa Mwilu kupwa wakusokoloka, echa majina avo apwenga wani handulendi peseti ya Kalunga na Mulwilo na tengeso ya Mwilu, kupwa youmwe mu Wangana Wenyi. Vakisule vakiko, Mwata, kaha echa vakiko vazachile ufwishi chamwaza. Mu Lijina lya Yesu etu twasakwilila Ove hali vakiko. Amena.

³⁴ Ngwatondo kulimeneka mumavoko enu, Ndumbu walunga Harned, kaha Ndumbu walunga Zabel, kaha Ndumbu walunga Collins, Ndumbu walunga Hickerson, na Ndumbu walunga Taylor. Vakuwahilila hakutachikiza nge etu tuli mukulikata lwolalwosena na malunga vakalemesa. Kalunga amikisule jno. Kaha etu tunamisuula hano vene, washi washi omu Nangunoka chindende, kukinduluka, kaha kumona omu munazange ufwishi jenu. Chosena chakwoloka, ha kusakula chavo, Ngwashingtonyeka nge chapwanga handulendi peseti, chakulimbala chauchi.

³⁵ Mamalelo, ove kawawahilile nge enu namuliwananga na vathu lelo vaze vapwa lwola lwosena kumeso a Kalunga, vakumukomoko kalunga, kaha kuyoya muli kano kaye musetekon kana? Echi chinapu chuma chamwaza.

³⁶ Kaha Ngunawahilila kutachikiza ufukuuno nge Nguli na lisesa lya—lya kupwa na ou lunga na eli liuka kupwa masepa. Ngunawahilila nge Kalunga mwecha yami kupwa hamwe na eli Liuka Lyenyi kwosena muno mukaye. Mamalelo, vakiko kutoleka na kukana na kuhanjika hali echi, kaha nge omu Nguli nakuhanjika na chimene mumujimbu wami, pamo nyaumbwa, mujila kaye kanasoloka hali vakiko, nge “lizavu lya vakutoleka,” oloze Kalunga eji kutala hali vakiko nge vana Venyi. Nguli wakuwahilila hali chize. Vakiko vahase kupwa vakutela kumilweka jimailosi jajivulu kukasweji. Vakiko vatela kupwa kwambulula kuli enu vosena kupwa muzachilo ya musana na mwakuzachila. Oloze kuli chuma chimwe vakiko vanatachikiza, vakiko vanatachikiza ola vakiko vapwile vakusemuka chachihya. Ngunawahilila hali vakiko.

³⁷ Kaha chishimo chachindende nge Ngwanangwile, kaha Nguli na kuya nakulinunga ufukuuno na vanyike vmapwevo vavandende kumuyachi kwiza kwiza kuli etu, kulingisa kupwa chamwenemwene kuli etu, nge enu namuya nakwivwushisa kulumbununa cha echi. Chimene chimwe, katuka nakulovoka kahela . . . Ngukwechi vanyike vmapwevo vavali. Umwe wavo

napu Rebekah, kaha umwe wavo napu Sarah, kaha vakiko vanapu vanyike vamaawevo vavandende.

³⁸ Kaha Ngukwechi kanyike walunga wamundende, Joseph. Ngwapwile nakwiza nakufuma ku Chattanooga, kufuma mukuliwana cha ufuku umwe, shimbu Ngwapwile kuze mukuliwana chamakumishilo. Kaha Ngwapwile mu—mu motoka, kuya na mwanami walunga wakukola, Billy. Pwevo lyenyi na Meda apwilenga mumotoka, kaha vanyike vamaawevo. Kaha nge etu twapwile nakujinguluka, naumwe pimbi apwile na chuma chakuhanjika hali aze maumbu. Kaha Ngwawatwile chikuma hali vathu uze ufuku hali jila vakiko vapwilenga nakulinga. Kaha naumwe pimbi ahanjikile kalachuma. Kaha Yosefwa wamundende ejile nakungukwata yami ha lihye, ikiye ngwenyi, “Tata, ove punduvene kunangula ufukuuno!”

³⁹ Kaha chimene echi, nge omu Ngwapwanga na kuya mujila ya Eighth na Tenth, va . . . mokomoko Penn na Tenth, ngocho, naumwe pimbi ahanjikile chuma, pwevo na vanyike vamaawevo vavali. Kaha Joseph wamundende ambachile lihye lyami cheka, ikiye ambile ngwenyi, “Tata, nge, Ngwazangile chize kunangula chimene chino,” ikiye ambile ngwenyi.


Ngwambile ngwami, “Chamwaza, Ngukwechi lizo limwe, uze ikiye mwanami.”

⁴⁰ Kaha wetu wamundende kuhanjika. Kuze chimwene chimwe, kutwama mukapete, wamundende Becky kwiza nakulaha kaha, kuhanjika, ikiye kutwama hamahinji ami kaha kuhaka mavoko kujinga hali yami, kaha ikiye apwile kanyike wapwevo wa ise. Kaha ikiye apwile nakungukumbata. Kaha wamundende Sarah kutumbukila hakahela na uvalo wakusavala nawo kaha kupwa, kuhanjika, kwiza nakulaha. Ikiye wamundende wameso amandende.

⁴¹ Wamundende Becky kuhanjika, “Mamalelo, Sarah, kakweshi nakutondeka ove kwiza, mwomwo Ngukwechi Tata vosena. Tata yami wosena!” Kaha Sarah wamundende, mivumbo yenyi yayindende kuholoka hamavu, meso eyi achila akufwika. Ngwatambukishile *ngana* na kuhaka kujika chimbundo, kaha ikiye kwiza na kunyina.

⁴² Becky hakupwa na mahinji amasuku, akiko ahashile kukwata nahamavu. Wamundende Sarah apwile nakunyengela, shikaho Ngwahakile mavoko osena avali hali Sarah. Wamundende Sarah atalile kuli Becky kaha ambile ngwenyi, “Becky, ove unahase kupwa na Tata wosena, oloze Tata akwechi yami wosena!”

⁴³ Kaha Ngwashingtonyeka ize ikiko jila ili hano. Etu tunahase kutachikiza kutanga chauthu chosena na mazu osena amanene osena a Chingiliki, eli lizavu lya vathu vanahase kutachikiza. Oloze kuli chuma chimwe punduvene, Ngwafwelela Yesu akwechi *etu* vosena. Amena.

Chosena chakwoloka, Ndumbu walunga Neville. 

58-0720E Kuhaka Vakakuzata Muliuka
Branham Tabernacle
Jeffersonville, Indiana U.S.A.

LUVALE

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembu kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonkelenu ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org